

### Headlines

- 1 जम्मू-कश्मीर विधानसभा चुनावों के लिए गेड़ का मतदान सम्पन्न। सब्बनें 26 असैम्बली सीटों पर संज्ञा 5 बजे तगर 54 प्रतिशत मतदान दर्ज कीता गेदा। जम्मू प्रांतै दे 11 हलकें च 61 प्रतिशत मतदान दर्ज कीता गेआ ऐ।
- 2 फारूक अब्दुल्ला, उमर अब्दुल्ला, रविंद्र रैना ते पैरालंपिक्स च कैह दा तगमा जित्तने आहले राकेश कुमार सने कई हस्तिएं वोट पाए।
- 3 मुख् चुनावों अधिकारी पी.के पोले होरें अज्ज राजौरी-पुंछ दा दौरा लाया ते उत्थे मतदान प्रक्रिया दा जायजा लैता।
- 4 त्रीए गेड़ लेई चुनावों प्रचार तेज, बक्ख-बक्ख पार्टिं दे लीडर रैलियां करिए मतदाताएं गी अपने हक्कें च करने दी कोश्ट करा'रदे ना। कांग्रेसी लीडर राहुल गांधी होरें अज्ज सोपोर ते जम्मू च रैलियां कीतिआं। प्रधानमंत्री नरेंद्र मोदी 28 सितंबर गी जम्मू च चुनावों रैली गी संबोधित करडन।

<><><><><><>

### Polls Phase II

जम्मू-कश्मीर च अज्ज असैम्बली चुनावें दे दुए गेड़ तैहत 5 बजे तगर कुल 54 फीसद मतदान दर्ज करी लैता गेदा हा। जम्मू खित्ते च संज्ञा 5 बजे तगर 70 अशारिया 0-4 फीसद मतदान दर्ज कीता गेआ। सब्बनें थ्वा बह् मतदान संज्ञा 5 बजे तगर श्री माता वैष्णो देवी विधानसभा सीट लेई 75 अशिराया 2-9 फीसद दर्ज कीता गेआ। एदे मगरा पुछ हवेली च 72 अशिराया 7-1 फीसद मतदान दर्ज कीता गेआ। आकाशवाणी दे जम्मू संवाददाता मुजब, मतदान बडुलै 7 बजे थमां पुरु होई गेआ हा ते बडुलै थमां गै मते सारे मतदान केन्द्रें पर जोश कन्नै भरोचे दे मतदाताएं दिआं लम्मियां-लम्मियां रींगां दिक्खियां गेईयां। मतदान संज्ञा 6 बजे तगर हा पर उयां जेडे बी मतदाता मतदान केन्द्र च पुज्जी गेदे हे उनें गी वोट पाने दा समां दिता गेआ ऐ। ध्यानजोग ऐ जे अज्ज जम्मू-कश्मीर दे 6एं जिलें दिएं कुल 26 विधानसभा सीटें लेई वोट पोआए गए। इनें जिलें च जम्मू संभाग दे रियासी, रजौरी ते पुंछ जिलें सने कश्मीर खित्ते दे श्रीनगर, बडगाम ते गांदरबल हलके शामिल ना। चुनावों आयोग दे निर्देशें मुजब, सब्बनें मतदान केन्द्रें पर वैबकास्टिंग दी सुविधा उपलब्ध करोआई गेई तांजे मतदान पूरी पारदर्शिता कन्नै होई सकै। जम्मू संभाग दे 11 असैम्बली हलकें च संज्ञा 5 बजे तगर मतदान दा आकंडा इस चाल्ली हा।

गुलाबगढ़ च 72 अशारिया 1-9 फीसद मतदान होआ ऐ। पुंछ-हवेली हलके च 72 अशारिया 7-1 फीसद, सुरनकोट च 72-1-8 फीसद मतदान होआ, मेंडर च 69.6-7 फीसद, कालाकोट-सुंदरबनी हलके च 66. 3.7 फीसद, रजौरी च 68.0.6 फीसद, नौशैह्ला च 69 फीसद, थन्नामंडी हलके च 68.4-4 फीसद, बुद्धल च 67.4-9 फीसद, माता वैष्णो देवी हलके च 75.2-9 फीसद, रियासी च 69.0-9 फीसद मतदान दर्ज कीता गेआ ऐ। जम्मू संभाग दे सब्बनें 11 असैम्बली हलकें च मतदान पूरी रमानदारी ते बवस्था आहले ढंग्गै सिर जारी ऐ। ध्यानजोग ऐ जे दफा 370 हटने दे बाद जम्मू-कश्मीर च कोई इक दहाके परैन्त विधानसभा दे चुनावों करोआए जा करदे ना। दुए गेड़ दे इस चुनावों लेई तकरीबन 25 लक्ख 78 ज्हार मतदाताएं, चुनावों मैदान च खडोते दे 239 मेदवारें दे सियासी भविक्ख दा अज्ज संज्ञां तगर फैसला ईवीएम च कैद करी दिता।

<><><><><><>

## Prominent Votes

इस गेड तैहत जिनें प्रमुख सियासी मेदवारें अपना वोट पाया उन्दे च बडगाम ते गांदरबल सीटें परा चुनांs लड़ा'रदे साबका मुखमंत्री उमर अब्दुल्ला, भारतीय जनता पार्टी दे नेता रविन्द्र रैणा, साबका विधायक ते बीजेपी दे बुद्धल थवा मेदवार चौधरी जुलफीकार अली, साबका विधायक ते बीजेपी दे सुरनकोट सोयां मेदवार मुश्ताक अहमद बुखारी, थन्नामंडी सोयां बीजेपी दे मेदवार मोहम्मद इकबाल मलिक, राजौरी सोयां बी जे पी दे मेदवार विवोद गुप्ता, श्री माता वैष्णो देवी विधानसभा सीट सोयां बीजेपी दे मेदवार बलदेव राज शर्मा, रियासी सोयां बीजेपी दे मेदवार कुलदीप राज दुबे होरें अपना वोट पाया। बुद्धल सोयां नैश्रल कांफ्रेंस दे मेदवार जावेद इकबाल चौधरी होरें बी वोट पाया। थन्ना मंडी सोयां पीडीपी दे मेदवार चौधरी कमर हुसैन, थन्ना मंडी सोयां आजाद मेदवार मुज्जफर इकबाल खान, सुरनकोट सोयां कांग्रेस मेदवार शहनवाज चौधरी, नैश्रल कांफ्रेंस दे मेंढर सोयां मेदवार जावेद राणा, श्री माता वैष्णो देवी विधानसभा सीट सोयां आजाद मेदवार जुगल किशोर शर्मा होरें बी अपना वोट पाया। नैश्रल कांफ्रेंस दे अध्यक्ष फारुक अबदुल्ला होरें बी वोट पाया। बीजेपी दे महासचिव अशोक कोल, पैरा ओलंपिक च कें दा तगमा जितने आहले राकेश कुमार होरें बी वोट पाने दे अपने अधिकार दा इस्तेमाल कीता ऐ।

<><><><><><>

## CEO Rajouri Poonch

मुख चुनां अधिकारी पी.के पोले होरें अज्ज राजौरी ते पुंछ दा दौरा लाया ते उत्थे चलै करदे मतदान दी प्रक्रिया दा जायजा लेता। इस दौरान उनें जिला विकास कमिशनरें जेड़े जे जिला चुनां अधिकारी बी ऐन, उंदे नै गल्लबात कीती ते जमीनी सतह पर चुनां प्रक्रिया दा जायजा लैता पी.के पोले होरें चुनां प्रक्रिया ते कीते गेदे प्रबंधें-बवस्थाएं पर संदोख प्रगट कीता। इस मौके पर उनें आखेआ।

<><><><><><>

## Border-Voters

समाज ते लोकतंत्र लेई अपनी जिम्मेवारी गी समझदे होई राजौरी ते पुंछ जिले दे बन्ने कन्ने लगदे इलाके दे लोकें अज्ज बधी चढिये मतदान कीता। भलेयां नियंत्रण रेखा कश लगदे इलाके च बी मतदान केंद्र बनाने लेई इनें लोकें भारतीय चुनां आयोग दा आभार प्रगट कीता। बड़े मते कठन इलाके थमां बी लोक बडी बद्द गिनतरी च मतदान केंद्रें पर पुजजे ते वोट पाने दे अपनी फर्ज गी अंजाम दित्ता ते मेद प्रगट कीती जे इलाके च तेजिया कन्नै विकास होगा। इक मतदाता परवेज चौहान।

<><><><><><>

## Huge-Enthusiasm

जम्मू-कश्मीर विधानसभा चुनां दे दूए गेड दे मतदान च अज्ज पैहली बारी वोट पाने आए दे नौजवानें कोला लेइए बड़े मते बुजुर्गें च बी वोट पाने गी लेइए बड़ा मता उत्साह दिखने गी लब्बा। रियासी जिले च इक मतदान केंद्र पर वोट पाने आए दे 102 बरे दे हाजी करमदीन भट नै वोट पाने गी लेइए अपने भाव प्रगट करदे होई घरा वोट पाने दी सुविधा दा इस्तेमाल करने दे बजाय मतदान केंद्र पर आइए वोट पाया। सब्बनें लेई प्रेरणा बने दे हाजी करमदीन नै आखेआ कि जेकर खरी सरकार बनदी ऐ तां लोकें दे सौ किस्मै दे कम्म तोड़ चढदे न। उनें आखेआ जे सब्बनें गी शिक्षा थ्होनी लोड़चदी, कम्म रोजगार दे मौके पैदा होने लोड़चदे। रियासी जिले च त्रै असैम्बली हल्के न, रियासी, गुलाबगढ़ ते माता वैष्णो देवी। दिन भर मतदान केंद्रें पर लोकें दा रश पेदा रेआ।

<><><><><><>

## Migrant Voter

अज्ज होने आले दुए गेड दे चुनाएं च 15 ज्हार 3 सौ विस्थापत कश्मीरी पंडित लेई बनाए गेदे 24 मतदान केन्द्रें पर जाइयै वोट पाने दे अपने अधिकर दा इस्तेमाल कीता। एह मतदान केन्द्र श्रीनगर, बडगाम ते गांदरबल जिले दे मतदाताएं लेई कायम कीते गे न। 24 विशेष मतदान केन्द्रें पर 15 ज्हार 5 सौ विस्थापत मतदाता जम्मू, उधमपुर ते दिल्ली च मतदान केन्द्रें पर जाइयै वोट पाने दे अपने अधिकर दा इस्तेमाल कीता। जम्मू च 14 ज्हार 7 सौ मतदाता पंजीकृत हे। दिल्ली च कायम 4 मतदान केन्द्रें पर 6 सौ विस्थापत कश्मीरी पंडित ते 350 मतदाता उधमपुर च उंदे लेई कायम मतदान केन्द्रें लेई पंजीकरण करोआया। जम्मू च विस्थापितें लेई बनाए गेदे विशेष मतदान केन्द्र पर वोट पाने लेई आए दे इक मतदाता नै आकखेआ।-----बाईट

## Campaigning Phase III

जम्मू-कश्मीर विधानसभा चुनां दे त्रीए ते खीरी गेड लेई प्रचार अभियान होर तेज होई गेदा ऐ जेदे तैहत 40 विधानसभा सीटें लेई पैहली अक्तूबर गी वोट पाए जाडन। बक्ख-बक्ख पार्टीएं दे बड्डे-बड्डे लीडर ते स्टार प्रचारक मते शा मते मतदाताएं गी अपने हक्के च करने लेई रैलियां, रोड शो ते बैठकां करा करदे न। लोकसभा च विपक्ष दे नेता ते कांग्रेस दे साबका राष्ट्रीय प्रधान राहुल गांधी जम्मू ते कश्मीर दौनें प्रांतें च इक-इक रैली गी संबोधित करडन। पार्टी दे इक्क नेता नै जानकारी दिती ऐ जे जम्मू पुज्जने पर ओहू जेके रिजार्ट ग्राउंड च रैली गी संबोधित कीता। एहदे बाद ओहू तुरत कश्मीर घाटी लेई रवाना होई गए जित्थे उनें बारामुला दे सोपोर च इक होर चुनावी रैली गी संबोधित कीता। तोआई बीजेपी दी तरफा पार्टी दे सीनियर लीडर ते गृह मंत्री अमित शाह होर 26 सितंबर गी कठुआ ते उधमपुर च चुनावी रैलिएं गी संबोधित करडन जिस्सले जे उत्तर प्रदेश दे मुखमंत्री योगी आदित्यनाथ बी उसै रोज 4 चुनां रैलिएं गी संबोधित करडन। इंदे अलावा रक्षा मंत्री राजनाथ सिंह, नितिन गडकरी ते होर कई केंद्री मंत्री, साबका केंद्री मंत्री ते बीजेपी शासित प्रदेशें दे मुखमंत्री बी 26 कोला 29 सितंबर दे दरम्यान चुनां प्रचार लेई केंद्र शासित प्रदेश दे दौरे पर औडन। प्रधानमंत्री नरेंद्र मोदी होर 28 सितंबर गी जम्मू दे एम.ए स्टेडियम च इक रैली गी संबोधित करडन। एदे थवा पैहले मोदी होर डोडा, श्रीनगर ते कटरा च रैलियां करी चुके दे न।

<><><><><><>

## Prison-Voting

जिला जेल उधमपुर च सजा कट्टा'रदे 5 कैदी जेडे जम्मू-कश्मीर विधानसभा चुनां दे त्रीए गेड तैहत वोट पाने दे योग्य मतदाता हे, उनें जेलै थमां गै डाकै राएं अपना वोट पाया। इनें कैदी मतदाताएं चुनां आयोग ते डी.सी उधमपुर दा आभार प्रगट कीता जे उनें उनेंगी उंदे इस लोकतांत्रिक अधिकार दा इस्तेमाल करने च मदद कीती। जेल सुपरिंटेंडेंट धर्मेन्द्र सिंह कटोच होरें दस्सेया जे इनें मतदाताएं उधमपुर पूर्व, उधमपुर पच्छिम ते रामनगर हल्के थमां वोट पाए।

<><><><><><>

## Delegation-J&K Election

15 मुखें दे वरिष्ठ राजनयिकें दा उच्चस्तरीय शिष्टमंडल जम्मू-कश्मीर च विधानसभा चुनाव दा जायजा लैने आस्तै अज्ज कश्मीर दा दौरा ला र दा ऐ। शिष्टमंडल च अमरीका, मैक्सिको, गयाना, दक्षिण कोरिया, सोमानिया, पनामा, सिंगापुर, नाइजीरिया, स्पेन, दक्षिण अफ्रीका, नार्वे, तंजानिया, रवांडा, एल्जीरिया ते फिलीपींस दे राजनयिक शामिल न। विदेश मंत्रालय नै दस्सेआ ऐ जे ज्यादातर दूतावासें दी अगुवाई उप-राजदूत ते मिशन उप-प्रमुख करा र दे

न जम्मू-कश्मीर च त्रंऊ चरणें च चुनाव होआ रदे ना। पैहले गेड च 18 सितम्बर गी 24 सीटें आस्तै वोट पाए गए हे जिसलै कि दूए गेड च 26 सीटें आस्तै अज्ज वोट पाए जा र दे ना। त्रिए गेड च पैहली अक्तूबर गी 40 सीटें आस्तै मतदान होना ऐ वोटें दी गिनतरी आह्ला कम्म 8 अक्तूबर गी होग।

<><><><><><>

### Mushroom-Kishtwar

सरकारी डिग्री कॉलेज किशतवाड दे करियर सरबंधी निर्देश मार्गदर्शन ते परामर्श केंद्र नै स्कास्ट जम्मू दे कृषि विज्ञान केंद्र, किशतवाड दे सहयोग कन्नै खुम्बें दी काशत बारै 5एं दिनें दी इक कार्जशाला दा सरिस्ता कीता गेआ जेदे च कोई 200 विद्यार्थिं हिससा लैता। एहदा आयोजन डिग्री कालेज किशतवाड दे प्रिंसीपल प्रो. बशारत इकबाल हुंदी सरपरस्ती च कीता गेआ जेदे तालमेल च सहयोग प्रो. आसिमा जावेद नै दित्ता।

<><><><><><>

### Waqf Board

अल्पसंख्यक मामलें दे मंत्री किरण रिजिजू होरें मेद प्रगट कीती ऐ जे वक्फ तरमीमी बिल दी नजरसानी करने लेई खडेरी गेदी संसद दी संयुक्त कमेटी संसद दे स्याले आले इजलास दे पैहले हफ्ते च गै अपनी रिपोर्ट जमा कराई देग। उनें आखेआ जे कमेटी गी इक्क करोड कोला मते सुझा एहदे पर हासल होई चुके देन। मोदी सरकार दे त्रीए कार्जकाल दे 100 दिनें दियां उपलब्धियां गिनांदे होई मंत्री होरें आखेआ जे कमेटी इस बारै बक्ख-बक्ख धड़ें कोला सुझा, मश्वरे ते विचार हासल करै करदी ऐ जिंदे च सरकारी ते समाजी संगठन बी शामिल ना। उनें आखेआ जे वक्फ बिल च तरमीमां पैहले बी कीतिआं गेइयां न पर ऐकती बड़े बड़े पैमाने पर सलाह परामर्श कीते जा करदे न जेडा जे लोकतंत्र लेई बड़ी खरी गल्ल ऐ।

<><><><><><>

### India-A.I-IBD

इंडिया ए.आई स्वतंत्र बपार मंडल आस्सेया इलेक्ट्रानिक्स ते सूचना प्रौद्योगिकी मंत्रालय तैहत आर्टिफिशल इंटेलिजेंस यानि ए.आई फेलोशिप लेई दरखास्तां मंगियां न जेदे लेई बी.टेक ते एम.टेक दे विद्यार्थी अर्जी देई सकदे ना। मंत्रालय नै ए.आई दे क्षेत्र च पीएचडी दी फेलोशिप प्रदान करने लेई 50 प्रमुख अनुसंधान संस्थानें गी बी एहदे च जुडने लेई आखेआ ऐ। दरखास्तां इस म्हीने दी 30 तरीक तोड़ी दाखल कीतियां जाई सकदियां न जेदे लेई वेबसाइट ऐ A.I.gov.in इंडिया ए.आई मिशन दा उद्देश्य ए.आई दा लाह समाज दे हर इक वर्ग तगर पुजाना ऐ।

<><><><><><>

### R O Thanna Mandi

थन्नामंडी दे रिटर्निंग अफसर नै साफ कीता ऐ जे हल्के च चुनां पूरी चाल्ली रमानदारी ते बवस्था आहले ढंगै सिर तोड चढी गेआ ऐ। उनें इनें आरोपें दा खंडन कीता जे इक कुसै पार्टी दे पोलिंग एजेंटें गी किश मतदान केंद्रें दे अंदर नेई बडन दित्ता। उआं उनें आखेआ जे 138 ते 139 नंबर पोलिंग स्टेशनें पर एजेंटें गी सियासी पार्टी आस्सेया गै इख्तयार नेई दित्ता गेदा हा ते एह पार्टी दा अंदरूनी मामला ऐ ना कि कोई बाहरली दखल।

<><><><><><>